

الحلقة 12 | التعليق على أحداث 03 يونيو | ملفات أبو إسماعيل

الشيخ حازم صلاح أبو إسماعيل

حازم صلاح أبو إسماعيل

بسم الله الرحمن الرحيم. الحمد لله رب العالمين. واشهد ان لا اله الا الله وحده لا شريك له واشهد ان سيدنا محمدا عبد الله ورسوله صلى الله عليه وسلم. وأسأل الله عز وجل ان يأخذ بأيدينا اليه اخذ الكرام عليه - [00:00:00](#)

رحمته وهو ارحم الراحمين. ايها الاخوة جميعا السلام عليكم ورحمة الله وبركاته. وشكر الله لكم رباطكم شكر الله لكم اكرامكم. وأسأل الله سبحانه وتعالى ان يجعلها برحمته مقدمات العز والنصر - [00:00:17](#)

والفضل والفرح بفضل الله وبرحمته يا رب العالمين ونحن على ثقة من كرم الله سبحانه وتعالى ولكننا نخشى ان نقصر في حق كربنا فنسأل الله ان ياخذ بأيدينا اليه اخذ الكرام عليه وهو ارحم الراحمين. ايها الاخوة انا في الحقيقة يعني كنت - [00:00:37](#)

انتوي تماما الا اتكلم والا اتعرض للاحداث بالمرة للأسباب التي ربما تعلمونها والتي يعني كنت اعلنتها من قبل يعني لتصادم الاعتبارات بحيث يصبح الانسان مقيدا كنت انوي هذا ولكن في واقع الامر ونحن يعني - [00:01:02](#)

على اعتاب ساعات قليلة من هذه الاحداث آآ يعني ربما درجة الفجور الفجور البالغة في بقى ايه الفجور؟ في الافصاح في الاعلان عن نية اعادة كل ما ابيناه من قبل كل حاجة ابيناه ورفضناها من قبل - [00:01:31](#)

يقولون لنا سنعيدها. صورة وبيصارحوا بفجور وبفجاجة لم يبقى محل لندي كرامة. لان هو في الحقيقة امال احنا كنا بنعمل ايه؟ اذا كنت انت طالع بتتكلم بوضوح احنا هنرجع الفلول - [00:01:58](#)

هنرجع الحكم العسكري هنرجع ممارسات الشرطة وبتقول احنا منبهين على بعض ما حدش يهتف ضد الفلول محدش يهتف ضد الحزب الوطني محدش يهتف ضد مبارك محدش يهتف ضد الحكم العسكري محدش يهتف ضد الله - [00:02:16](#)

ده معنى ذلك ان انت وبيتكلم بمنتهى الوضوح وبمنتهى الصراحة وتعود وجوه كنا قد انتهينا من ظهورها فترة طويلة للعودة للظهور مرة اخرى واصبحت المسألة الحقيقية في منتهى الوضوح لدرجة انه يعني - [00:02:35](#)

احد الشباب بيحكى انه فعلا ذهب الى اليهم وقال لهم ان احنا هنقول انه يعني يهتف ضد مرسي ويقول له مرسي زي مبارك فرفضوا هذه الكلمة قالوا له لا احنا ما بنهتفش ضد مبارك - [00:02:52](#)

هذا الكلام بدرجة من الفجور البالغ. امال كنا بنعمل ايه؟ ده احنا طرايطير بقى. يعني شعب من الطرايطير. يعني اصبحنا بهذه الصورة شعب من ان انت بترجع مرة اخرى النظام السابق عيني عينك واتكلم ويكتب احد الصحفيين المعروفين جدا ومعروف دنائتهم - [00:03:10](#)

يكتب في صفحته كلام بمقال بشري بعودة مبارك يوم كذا ويحدد اليوم. وتلاقيه متطابق مع اه اه مواقيت الافراج وتجديد الحبس وما الى ذلك في القضايا الحبس الاحتياطي اللي هو موجود فيه. ده معنى كده - [00:03:35](#)

ان احنا يعني كأنا يعني مسلمين نفسنا تسليم تام لموضوع اعادة البلد كلها الى ما كانت عليه وانه لا شيء خلاص موجود وعلشان ما تستغربوش القائمين بهذا العمل فعلا كلهم من المحسوبين على النظام السابق. كله فلول الواحد يببص يقرب فلول لدرجة - [00:03:55](#)

ان بعض الناس من اللي كانوا محسوبين على الثورة اضطروا الشباب يدخلوا الكباريات من جوة لانه اتعرف انهم بيقابلوا بعض مع رجال امن الدولة ورجال النظام السابق في الكباريات على اساس انهم وجدوا انه الملاهي الليلية دي هي المكان الوحيد اللي

الاسلاميين ما بيدخلوهوش - 00:04:20

فمكان امن للمقابلة من غير رصد فيدخل احد مقدمي البرامج الشهيرة اللي كان محسوب ان هو معارض لحسني مبارك مسلا قبل كده وتم شراؤه شراء يعني وواحد تاني ولزلك الشباب اللي اضطروا للدخول وصوروا هذا اللقاء آآ بالفيديو بتليفوناتهم - 00:04:46

آآ الحقيقة شيه لا يتصور الانسان هذا التضفير. فالحقيقة لم يبقوا لواحد نضيف فرصة انه يسكت حتى. يعني طب انتم كتم احنا احنا سايبين موافقين ومش متضايقين ان يبقى في معارضة سياسية انت نازل - 00:05:10

اتضايق من محمد مرسي متضايق من الاخوان مضايق من الاسلاميين زي ما انت عايز. انما يوصل الموضوع الى انك هتضرب الشعب على اقفيته على فاه على رأسه ويعود النظام وهيرجع بقى عودة عودة انتقامية يرجع لينتقم من الشعب العادي جدا لان دول اللي

جحدوا النعمة - 00:05:29

على السيد ويرجعوا تاني البشوات والبهوات والفلول وما الى ذلك ده مش ممكن وبيتكلم عن هذا الكلام بدرجة من المصارحة بالغة.

يعني درجة من الصراحة والفجاجة. ويتكلم ويقول احنا اتفقنا وما حدش - 00:05:51

وهتلاقوا الفلول معاكوا في الميدان ما فيش مشكلة. وهتلاقوا الوجوه المعروفة اللي من النظام السابق ما تقولوش دول. ما النظام السابق. يعني حتى قادة الحراك اللي بيعلموه للناس ان انت لما تنزل هتلاقي القادة اللي انت من سنتين طلعت وثرث عليهم رجعوا

مرة تانية يرجعوا تاني امن الدولة يرجع تاني - 00:06:10

الشرطة بانحرافاتهما يرجع تاني امال امال ايه بقى لما انت بتقول له ما تهتفش ضد الشرطة امال فين كنت زعلان من شوية على محمد الجندي وعلى جيكا وعلى خلاص خلاص انتهى الامر وكنت تقول له ما تكسفش ضد المجلس العسكري امال فين ست البنات -

00:06:32

انتم فين اه مجلس الوزراء؟ وفين محمد محمود؟ وفين صائد العيون؟ يعني الحقيقة حتى الواحد بيستغرب هل يا ترى الاخ الذي مسلا فقد عينه برصاصة او هو فقد عينه اليمين وعينه الشمال برصاصة هنا ورصاصة هنا. هو عارف انه نازل علشان يرجع التزام الذي

- 00:06:52

افقده عينيه الست اللي فقدت ابنها ام خالد سعيد بالتعذيب ولا بالقتل اللي حصل عارفة انها مثلا نازلة علشان ترجع النظام الذي قتل ابنها هل امهات الشهداء عارفين انهم نازلين علشان يرجعوا النظام الذي قتل ابناءهم؟ هو ده شعب؟ هو دي ده شعب يستحق كرامة -

00:07:12

لو هو هينزل النهاردة يرجع التزام اللي نزل من سنتين يشيله! يعني ده كلام واستغفال الشعب مش استغفال هو الحقيقة ده كلام

صريح انما يعني الاستهانة بكرامته ان هو بيقول له لآ انا انزل ومش لا لنا دعوة الفلول - 00:07:34

اهلا وسهلا والشرطة اهلا وسهلا علما بايه؟ والعسكر اهلا وسهلا وخلاص ما فيش بقى العسكر ما ما فيش بقى لا الفلوس المصرية في السنة ونص بتاع حكم المجلس العسكري آآ اتهربت برة البلد بقيمة مليارات قد ايه ولا الاحتياطي النقدي نزل ولا حد اتقتل ولا حد

ساقط عيون ولا واحدة - 00:07:54

تعرت ولا فيه خلاص كله بقينا بنحب احنا الحكم العسكري ونحب الشرطة ونحب ده مش ممكن ولذلك هذه الدرجة من الفجور جعلت

ان كل واحد نضيف يسببهم. وانتم شفتهم يمكن على النت. وانا الاخوة يعني جايين لي الحقيقة عدد - 00:08:14

كبير من الحاجات شفته يمكن من على النت انه فيه ناس كتبت امبارح الصبح امبارح ازن او اول امبارح الصبح الكلام ده ان انا اكتشفت انه سيتم كزا وكزا مع ان انا كنت عضو في جبهة الانقاذ وانا اللي حضرت كزا وانا اللي عملت كزا وانا الذي آآ كذا كذا لكن

اكتشفت - 00:08:37

هيعملوا واحد اتنين ثلاثة اربعة خمسة ستة. وبالتالي انا باعلن تركي لهم وده موجود على النت معروف يعني احد المحامين الكبار وكان عضوا في مجلس نقابة المحامين واكتشف هذا فاصبحت المسألة صورة واضحة. فاذا انت قدام حد بيقول للشعب المصري يا يا

هيفين يا تافهين يا ترى - 00:09:01

تطير احنا بنقولكو ان انزلو معنا واحنا نزل وانا عارف ان مفيش حد هينزل منهم هي الفكرة كلها انهم بين هارب وفار انما انا بس لغاية ما في الامر ان هذه الدرجة من الفجور التي يعني عرضها علي الاخوة في هذه الرسائل الموجودة بالصورة دي - [00:09:21](#) لدرجة ان الواحد يعني يشعر في بعض الاحيان انه الناس دول يعني يعني كأنهم يعرفون ان انا مش عايز الشعب. ده انا باقول الكلام وهضرب وهعمل وهسوي وادبكم شفتم المقدمات. المقدمات كلها ما شاء الله مبشرات كلها حرق وقتل وضرب وكده. ولزلك -

[00:09:41](#)

انا اسمحو لي انا ما دام خلاص الاعتبارات يعني مقيدانا ومتصادمة ويعني آآ مش هنعرف نقف نتكلم فنمارس دور التثقيف في ان احنا نفهم الناس. فلذلك يعني وطبعا انا هحكي لحضراتكم لاحقا السبب في هذا - [00:10:01](#)

وازيل كل الغموض وكل شيه بازن الله لانه لازم يبقى الكلام يعني محكم. انما بس اسمحو لي هنا نقطة خطيرة جدا هوقف دقيقة واحدة هروح موقف كده واتكلم فيها وبعدين ارجع مرة ثانية للسياق اللي بتكلم فيه. لانه اصله الكلام ده معناه ايه؟ معناه ان الشباب

بتاعنا مش عارفين بيستخدموا وهم مش عارفين - [00:10:21](#)

فين هما بيستخدمو في ايه بيقلو هو مش فاهم هو متصور يعني الشباب متصورين انهم بيعملو شيه في سبيل الفكرة اللي عندهم لكن الواضح انهم بيستخدموا انه انه يرجع من ثار عليه - [00:10:45](#)

يرجعه يقولوا لهم انتم مش انتم اللي شيلتوا دول انت بايدك مطلوب منك ترجع اللي انت شلته. رجعه لي. فيقول له حاضر. وتم زي ما باقول لك شراء الدفع في الكلام ده فلوس كتيرة. يعني واحد كان صادق من سنة كان صادق من سنتين تم شراؤه بالفعل. شراؤه

[00:11:04](#) - شراؤه

ولذلك احنا لازم نحط في اعتبارنا هذا المعنى معنى انه هو انا استغفل بهذه البساطة اللي انا عايز اقف عنده ايه بقى؟ بس انا لو سمحت اللي انا هقوله دلوقتي ده الاسلاميين يوطوا التليفزيون خالص خالص ما يسمعو هوش خالص لان ده مش موضوعهم هم -

[00:11:24](#)

مش موضوعهم. انا عارف انا شفت طبعا مليونية الجمعة اللي فاتت. يعني يعني قبل ما يوطوا التليفزيون يعني عشان برضو وهم سامعين. شفت مليونين الجمعة اللي فاتت بتاعة الاسلاميين والحقيقة ان انا فوجئت بقلة العدد. يعني القلة البالغة في العدد دي انا

[00:11:42](#) - فوجئت بها. انا -

انهم على الاقل على الاقل لمعرفتي بنوعية الدماء التي تجري في عروق الاسلاميين ان هم على الاقل هيكونوا ثلاث اضعاف هذا العدد. الحقيقة يعني انا ما تخيلت ان يكون هذا هو العدد - [00:12:04](#)

ابدا وخصوصا ان انا عارف ومجرب انه اللي بيتخلف بيخفض سقف آآ القدرة على اتخاذ القرار وده حصل معي انا شخصا في في مواقف كبيرة انك بترسوم سقف اتخاذ القرار طبعا - [00:12:19](#)

فكل واحد ولزلك الاسلاميين بيحسبونها على انه وزر يعني وزر التخلف عن اليوم الفلاني اثم كبير. فما بيقدرش فلما يبقى هذا العدد لا هذا هذا العدد لا لا يعني بالنسبة لي انا كان مفاجأة بالنسبة لي. انا طبعا يعني مجرد مراقب. انا انا باكلمك عن - [00:12:39](#)

من يتابع واصله احنا مش هنجامل بعض مش هنقول ان والله العدد هو ايه اتنين مليون واتنين مليون مش كتير. اتنين مليون مش العدد الذي يمكن ان يكون وجودا بالفعل مثلا - [00:13:01](#)

وعشان كده يعني انا ربما انا عارف برضو انه انه يعني بيعتبر طاعة عمل صالح انه نازل لكن انا الحقيقة اللي انا عايز اقله للاسلاميين خلاص معروفين مكانهم المركزي او العاصمة او لان هو ده المكان لاتخاذ القرار من يستمر - [00:13:13](#)

من يبقى ومين يتشال وكده خلاص دول انا مش عايز اغير لحد آآ مساره. انما امانة مني على الناس على اهلنا بصفة عامة انا عايز اقول ناس وده برة السياق وباقول لك الاسلاميين وطوا التليفزيونات وبرضه تمرد توطي تليفزيونات - [00:13:35](#)

الموضوع ده مش بتاع اللي نازلين للسياسة فعلا كل الناس لازم يرجعوا اللجان الشعبية اللي عملناها في خمسة وعشرين يناير. لازم ترجع وتبقى اربعة وعشرين ساعة. لازم نرجع نحمي في البيوت والمحال مرة اخرى. ليه بقى؟ لانه وانا وهذا اقله انا وقد علمت -

00:13:58

مسألة الخطة كده الخطة انه لن يكون الفعل الفاعل عند المركز وانما هيحصل نوع من تناثر مع الاخ بيقول لي طمن الناس اطمئنتهم بايه؟ ما لازم يجهزوا اطمئنت الناس انا بتكلم الناس العادية خالص. لازم ترجع مرة ثانية والاربعة وعشرين ساعة وفي الشوارع على ويرجعوا مرة ثانية يفتشوا - 00:14:27

اللي ماشية في الشارع ويرجعوا يشوفوا الغرباء عن المنطقة ويشوفوا المارة لانه المخطط هو اعطاء حرائق للبيوت محال وللبنوك في كل مكان ولزلك والشرطة الشرطة خلاص الشرطة اعلنت صراحة مش هم هيحموا نفسهم - 00:14:54

يقول لك تجهيزات خاصة عند اقسام الشرطة. عند المرافق الشرطة. عند المرافق اللي مش عارف مين. فبالتالي الشرطة دلوقتي هتحمي نفسها فبالتالي سيحدث فراغ امني مقرر هم اعلنوه. انت بتسمع قراءة من اللي هم اعلنوه فراغ امني مقرر خلاص -

00:15:15

انتم بقى الناس اللي قاعدة في البيوت دي مش هينفع لازم هيرجعوا مرة ثانية يشيلوا معهم اللي يشيلوه ويقفوا في الشوارع ويقفلوا لانه هذا الكلام مش بقصد شيء انما بقصد ان - 00:15:36

الغرباء لازم نسطاد البلطجية دول. وانا عايز اقول لحضرتك حاجة مهمة ان القانون المصري بيعطي الحق لكل انسان ان هو يلقي القبض لاي واحد بيعلمون ببيعة فجل بواب عمارة بتاع جراج - 00:15:49

سايز جراج واحد ماشي في الشارع له الحق ان يقبض ويقيد حرية الانسان المتلبس بالجريمة انا شايف قدامي واحد بيحرق او واحد بيضرب تمسكه بقى وانت انت نصيبك بقى انت انت ونصيبه قصدي هو خلاص. انما اهل الاحياء في القاهرة وفي - 00:16:06

في كافة المحافظات عليهم ان يعيدوا مرة اخرى فكرة الحراسة الشعبية لاحياؤه هو مش بيحرس البلد انا مش عايزه يحرس مصر ويحمي مصر لآنا بكلمك عن حراسة عربيتك اللي راكنة تحت لانه واضح انه هيبقى في حتى لو هيروحوا يا اخي يحرقوا -

00:16:25

مقرات الاخوان ولا مقرات الاحزاب الاسلامية ولا مقرات حاجة زي كده ما المقرات دي موجودة في عمارات ناس مش فيه دكاكين وفيه ناس ساكنة وفيه وفيه وفيه ولزلك هذا الكلام الحقيقة لازم يكون. وعايز اقول لكم حاجة بوضوح. الشرطة الشرطة -

00:16:46

عشان يبقى الكلام واضح. الشرطة اولاً فيها اشخاص افراد زباط وغير زباط من اتقى وانقى وافضل واعلى ما يكون وناس محترمين وزى الفل ورائعين واحسن مني ومنك. وانا اعرف منهم عشرات من الناس من افاضل الناس. لكن الشرطة كجهاز جهة - 00:17:04

ممارس للاجرام عبر عشرات السنين بلا انقطاع. الاجرام المنظم الموجود. ادوات التعذيب موجودة في كل غرف المباحث موجودة في مقرات المباحث موجودة في كذا في الرشاوى اللي معروف فلا يمكنك انك تعول على - 00:17:24

هذا وهم بيعلنوا صراحة يقول لك انا مش انا مش هحمي مش مش بس مقرات الاحزاب ده هو بيقول انا مش هحمي المرافق الخاصة. يعني هو بيقول انا حتى ما يتعلق بالمرافق الخاصة مش هاحميها - 00:17:48

مش هاحمي بيوت انا انا هاحمي بيقول تجهيزات خاصة لاقسام الشرطة. فالكلام ده الحقيقة لازم يحصل وعايز اقول لحضراتكم حاجة مهمة اللي بيتولوا الامور احنا تاريخنا كده. يعني مثلاً جمال عبدالناصر مسك سلاح وقتل - 00:18:03

انتو عايزين اا فاصل ولا خلاص فاصل طيب الناس عايزين فاصل ندي لهم فاصل ونرجع بعد شوية اذا تكرمتم ان شاء الله ان يكون المسألة من باب الامانة مع الناس في الحقيقة - 00:18:23

انه السياسيين هم اللي موجودين في مركز الاحداث ولكن اذا كانت لان هم ناويين يعملوا ايه؟ هو يقول لك انا انا نازل ضد مليون واحد اتنين مليون ثلاثة مليون مش هقدر اخبط فيهم - 00:18:40

وخصوصاً انه لا يمكن الحشد اللي نازل هيوواجه الحشد اللي بهذا العدد الضخم وخصوصاً ده سلاح وده سلاح وده رصاص وده رصاص وده الدنيا اه كده فهو الخطة ستدور حول انه خلاص سيب الحشد الرئيسي ده - 00:18:57

انما بس اقضي لك ثلاث اربع خمس ست ايام في كل مكان بقى في المنصورة في اسكندرية في الدقهلية في طنطا في المنيا في في كفر الشيخ في اي مكان آآ ضرب هنا بيت هنا بنك هنا فندق هنا آآ شارع هنا مسجد - [00:19:14](#)
هنا يعني بحيث انه يشيع حالة الفوضى الكلام ده هو معتمد على ايه ؟ على ان انت بتحشد له مليون واحد هنا. لكن مش هتقدر تتابع كل حطة. والشرطة فيها - [00:19:34](#)

ففي فراغ امني وانهييار امني في كل حطة وما فيش عندك حراسة في اي مكان والناس اللي موجودين هنا فالحل ايه؟ الحل في حقيقة الامر انه زي ما كل ما حرسنا بيوتنا ومحلاتنا انه فعلا - [00:19:48](#)
ان الناس فكرة وبعدين لو ما حصلش حاجة خير وبركة الحمد لله ما خسرناش شيه. لكن لازم كل حطة كل حي يكون حذر من الغرباء حذر من المارة وزى ما بقول لك دول اصطيادهم القبض عليهم تقييد حريتهم قانون - [00:20:04](#)
وانا اللي باقول لكم كده تقييد حرية هؤلاء قانون لانه في الحقيقة هذا الكلام هتبص تلاقي ان هو عايز مسلا يحرق له عشرين ثلاثين مطعم خمسين ستين بيت ومسلا متين تلتमित عربية علشان وانا حكيت لكم ان قبل كده عبدالناصر عمل كده. جمال عبدالناصر - [00:20:24](#)

مسك مسدس واختبأ في مكان وهم اللي كاتبين هذا الكلام هو ورفاقه. واطلق الرصاص ليغتال مصريا ليغتال مصري كان نائب في مجلس نواب وخالد محي الدين اللي هو ابو اليساريين الموجودين حاليين مؤسس حزب التجمع كانوا تحت قيادته - [00:20:44](#)
ناصرين والاشتراكيين والقوميين العربيين العرب والكلام ده كله. وغيره فعل نفس الشيه انه نزل في الشارع امسك سلاحا اختبأ وراء مكان ترصد لمصري واطلق عليه الرصاص وكاتب هذا الكلام اعترافا في مذكراته او - [00:21:08](#)

او ليطلق عليه الرصاص اسمه ايه انور السادات فعل هذا ايضا انه ايضا نزل في مكان واختبأ فيه وامسك مسدس وضرب بس السادات آآ اصاب الهدف عبدالناصر ما عرفش ان هشام طلع غلط شوية فالراجل ربنا نجاه يعني - [00:21:28](#)
الراجل اللي كان مستهدف. نفس الحكاية آآ في اثنين وخمسين وثلاثة وخمسين واربعة وخمسين انه آآ اعترفوا بعد انه ايضا عبدالناصر جاب الناس ادى لهم فلوس عملوا حرايق ست حرائق في القاهرة في مكان في سينما كزا وفي مطعم كزا - [00:21:47](#)
وفي مكان كذا ودفع رشوة مبلغ محدد معروف اربعتلاف جنيه للشخص اللي هو كان مسؤول عن النقل العام ساعتها كان اسمه الصاوي دفع له علشان يحدث آآ شلل في القاهرة. فالناس دول - [00:22:07](#)

سواء الناصريين واليساريين والاشتراكيين اللي هم واخدين قمة الحراك او من ورائهم ده او من سلطة ده شيه معروف يعني شيه مؤدى باستمرار ان هو يعمل حرائق في البيت في يعني انت متصور انه هيحرق المقرات السياسية. متصور - [00:22:23](#)
احرق لأ هو عايز يحدث الحرائق في البيوت في البنوك في المطاعم ولذلك لا سبيل الا انه كل بيت ومطعم وشارع هو اللي يتحول الى حراسة وخصوصا مع ما اعلنته او ما اعلنه اجرام الشرطة من تخلي عن هذا التأمين. اعلنوا صراحة احنا - [00:22:43](#)

متخليين عن هذا التأمين. ولعلكم سمعتم ما قاله نادي زباط الشرطة الطقم ده اللي قاعد دوه على فكرة فيهم من اشهد انا شخصيا ورأيتة بعيني من وارين الذين مارسوا تزوير الانتخابات العامة ثلاث مرات على الاقل انا شاهد من الشهود من ضمن هؤلاء - [00:23:03](#)
ولذلك انا بقول لحضراتكم ان هذا الكلام مش هنقع احنا بين اجرام الشرطة من ناحية وبين آآ اجرام السلطة التي زالت وراغبة في العودة واجرام آآ من تم شراؤهم لا لا لازم - [00:23:27](#)

حافظ على بيوتنا وعلى شوارعنا دي نقطة مهمة. وانا عارف ان الكلام ده ربما ما حدش تاني غيري يقوله لحضراتكم لانه كل الناس مهتمة بالجانب السياسي هنسقط الرئيس ولا هيستمر الرئيس هيستمر الحكم هنضرب بالرصاص ولا هنضرب بالرصاصه انما انا بقول انه لابد من - [00:23:47](#)

اللي انا هعمله مع مراتي وولادي وانت هتعمله مع آآ اهلك لازم بدل ما بنقوله في الاوض المغلقة الامانة تقتضي ان نقول لكل الناس لا احد الا ويحرس مكانه. انما الفكرة بقى - [00:24:07](#)
ان انت ما تجيبش تمسيلية انها ثورة وبعدين تلاقيه حسان طورايدة. حسان طورايدة ده حسان يدخل كده وبعدين تفاجأ بانه حسان

خشب متصنع يفتحه بطنه فينزل منه من كان مختبئا في داخله. وتفاعاً بكرة الصبح بانه حسني مبارك راجع مسلا - [00:24:23](#)
وان حسني مبارك ده بيرجع وطبعاً ساعتها العودة بقى ده عودة نظام انتقامي نزام انتقامي لانه آآ الشعب اللي لم يحفظ الجميل. لذك
انا باقول لحضرتك انا وانا باسم شعرت فعلا بانه - [00:24:40](#)

الموضوع ده فجور فجور سواء مرشحين رئاسيين ولا مرشحين برلمانيين ولا رؤساء احزاب ولا اه اه ناس عادية بيتكلم عن انه
خلاص اعاقتم كل شيء حتى ما يتعلق اللي كانوا لغاية اول امبارح يقول محمد الجندي واللي حصل فيه دلوقتي بقى خلاص الشرطة -
[00:24:56](#)

واللي كانوا بيقولوا سحل البنات ومش عارف اللي قتلوا واللي صائد العيون ومجلس الوزراء والعباسية بس هي الجريمة التي لا تغتفر
التي لا تغتفر وستظل الدماء عالقة بايديهم يقول لك لا والله هنرجع ماشي مرة تانية مستحيل. لذك المسألة فيها يعني فيها -
[00:25:21](#)

ما هو اصله ما تخليش الجيل الجيل ده ما هي دي اجيال. ما تخليش الجيل ده يبقى الجيل اللي انضرب على قفاه. ما تقول ما يبقاش
كده ما يبقاش في الجيل ده يا اخي احنا يا شيخ سبناكم موافقين انكم تعارضوا مرسى وتعارضوا الاخوان وتعارضوا الاسلاميين وقلنا
لكم وسبنا - [00:25:44](#)

انما توصل ده انك النهارده بتراجع لي النزام القديم علشان ترجع الدولة دي كلها مرة اخرى في ايد الذين شالتهم قبل كده ليعودوا الى
انتقامها مرة تانية ويرجعوا زباط امن الدولة وزباط المباحث العادية. يا اخي سبحان الله احنا خلاص - [00:26:04](#)
سينا نسينا الراجل اللي كان اسمه عماد الكبير ده اللي حصل معه في قسم الشرطة ترجع النظام الذي اذل البلاد والعباد واعتدى على
اعراض الرجال في القسم وصورهم وهم بيعتدى على اعراضهم وبينتهك عرضهم في السجن - [00:26:24](#)
جاله ويطلع الشريط ليذل ليذل به الناس نسينا خالد سعيد وما حدث من انه الناس العادية شعرت يعني هل نسينا هذا الكلام كله
علشان يبقى الفجور اللي انت بتتكلم به ان انا هرجع النزام السابق - [00:26:44](#)

ده احنا كنا مبسوطين احنا كنا ساكتين خالص خالص عشان انتم بتكلموا مناقشة او كنا نرجو انكو تناقشو مناقشة موضوعية في
سياسات انما انت بدل ما تعمل كده ويجيب لي واحد - [00:27:00](#)

واحد لسه راجع من مقابلة احمد شفيق ومكشوفة الحكاية دي ويرجع يقابله امبارح ويجي النهاردة ليقود الحراك ويقول هنعمل
ونسوي ويروح يحتلوا وزارات ويعمل آآ حرايق! الله! طب ما انت انت ده انت جايب لي ولجنة الانتخابات الرئاسية - [00:27:14](#)
يا ما شاء الله! اللي مسلا في حالة زي حالتنا صدرت الاحكام القضائية القامعة اللي تذل انوف الذين ادعوا ومع ذلك اهملت هذا الكلام
كله تجتمع علشان مثل هذا وياجل من النهاردة لبكرة ومن بكرة لبعده وهكذا على اساس التحضير. لأ ده انت - [00:27:33](#)
ما هو اصله مش للدرجة دي حالة تفتيل مش للدرجة دي تعيش الناس مغفلين وبعدين بكرة هيه ده انا اللي كت موجود ده انا اللي
برجع ويعود الناس مرة اخرى لا يعني لم يعد - [00:27:53](#)

لم تعد هناك كرامة لانسان يتقال له اتشطرت وعملت حاجة ادينا رجعنا وضربناك على قفاك مرة اخرى. لا لم تعد كرامة ولذلك اصبحت
هذه الفئة اللي هم يعني بينادوا بعودة الفلول وممارسات الشرطة والحكم العسكري والحزب الوطني وامين عام الحزب الوطني رجع
يستضاف في التلفزيون تاني - [00:28:08](#)

الامين العام المنقوع كحة عشرات السنين في عضوية الحزب الوطني. هو ده واحد ده ده عشرات السنين. ومجلس شعب بالتزوير
ورئاسة فيه بالتزوير وكل حاجة ما فيش شك يعني ومع ذلك يرجعوا وتعود هذه الوجوه مرة اخرى وتمتلى الشاشات بوجوه كالحة -
[00:28:33](#)

مرة اخرى وتنادي كالح وتتصور ان افضل انا حاسس ان انا عندي كرامة وانا سايب كل هذا الكلام ليعود مرة اخرى. مسألة ولذك زي
ما باقول لك لأ ده احنا اكتشفنا بقى اهو - [00:28:55](#)
خصوصا بموضوع الكباريهات اللي حكيت لكم عليه ده واللقاءات اللي تتم لانه ده المكان اللي الاسلاميين ما بيروحوهوش يبقى بعيدا

عن اعينهم. ان هذه فئة باعت باعت عرضها باعت شرفها يعني خلاص فرطت في الشرف وباعته وبقت بتمارس الرذيلة وتسلم نفسها
- 00:29:08

للفئة دي لتعود هذه الفئة مرة اخرى. شف احنا كنا موافقين ان يبقى في معارضة ضد حكم يبقى في اا كفرة ضد مسلمين حتى لو
انتو عايزين تقولو كده انا مبقولش كده بقولك يعني حتى اا اا عايز لبرالبيين ولا يساريين ضد - 00:29:28
اسلام مين ما انت حر لكن تتحول الى وعاء لاعادة الفجور القديم مرة اخرى اللي كان بيخلي الرجل شايف بنته عانس وابنه عاطل في
بطالة مش لاقى شغل ويضربوا بالالم في اكمنة الشرطة - 00:29:49

مش ممكن مش ممكن لأ ما ينفعش لابد ان تكون هناك كلمة ولذلك انا اوجه تحية للي نزله على انت امبارح واول امبارح انسحاب
ابتهم وهم من اركان لما فوجئوا بان المسألة ما هي الا اعادة للنظام القديم من اول وجديد. ايضا يا اخواني انا - 00:30:09
يعني ربما آآ لانه هذه النقطة هي اللي دقت علي يعني آآ اللي هي مسألة اعادة النظام القديم. انا عايز اقول لكم بمنتهى الوضوح
لاحسن الناس متصورة ما فيش ان في تقديس. يعني هو عايز يقول الجيش مقدس. القضاة مقدس. الشرطة - 00:30:29
مقدسات ايه لازم يتعرف الموقف الحقيقي وانت تسمع بقى الكلام اللي حكيته لك ده كله ونغم بقى تصريحات نغم انغام بيغني بقى
تقول لك احنا هنمسك الحكم ونمسك رئيس المحكمة الدستورية العليا ورئيس المحكمة الدستورية قاعد اللي هو رئيس لجنة
الانتخابات هو هو قاعد ساكت ما فيش ما - 00:30:58

ما طلعتش بيان لا يرفض الانقلاب على الدستور ولا حاجة موافق مستني الله وهنجيب ممسل للجيش والجيش قاعد ما بيتكلمش ما
بيقولش احنا ملتزمين بالدستور فبقى بيقول لك انا هجيب مجلس يحكم مصر واحد من الدستورية والدستورية ساكتة ما
بتعترضش. وواحد من الجيش والجيش ساكت ما بيعترضش. والتالت منين - 00:31:19
يقولوا الجماعة الزعماء السياسيين بنص ما قالوه ومسجل في التليفزيونات يقول لك والتالت واحد مننا ومش هنختلف والله العزيم
يا اخواني بالنص كده واسمعوه يقول لك واحد مننا ومش هنختلف ايه مش هنختلف دي - 00:31:44
ده مش هنختلف دي كلمة وحشة جدا مش هنختلف يعني احنا بنبيع ونشتري بسيطة تعال ومش هامشي لك مش ممكن يختار واحد
منهم وواحد من الدستورية وواحد من الجيش وواحد من - 00:32:03

احنا اصبحنا المسألة بيتم بيعها ولذلك يعني انا في الحقيقة شهادة على هذا الجيل انا بتكلم هذا الكلام النهاردة اضطرارا انا زي ما
قلت لكم انا كنت افضل الا اتناول الاحداث وان اظل صامتا والاعتبارات - 00:32:17
المتصادمة وما الى ذلك لكن بس في حاجة بقى في حاجة بقى مهمة جدا ان الاخوة اللي هيواجهوا الحدث لازم يرجعوا للكلام القديم
ان السلطة القرار للميدان مش القرار للزعماء - 00:32:34
لان الزعماء بيخشوا الاوض ويتفقوا لازم الميدان هو الذي يفرض انه عدم لعق هذا الخروج ما دام خرجت ما دام خلاص لابد ان يكون
القرار للميدان مش انا لانه هيمارس ضغط - 00:32:53

هيمارس ضغط على الزعماء وبيقول على لو فاكرين في خمسة وعشرين يناير ايه اللي شيب عمر سليمان هذا العدو اللدود الذي عاد
الثورة؟ وايه اللي شيب احمد شفيق هذا العدو اللدود الذي عاد الثورة؟ وايه - 00:33:11
شيب الناس دي كلها الاعداد اللدود التي عادت الثورة. اللي شيبهم ان كل ما يجيب عشرة يجيب عشرين يجيب ثلاثين يطلعوا مش
هم اللي بيتملوا الميدان اصبح الميدان خارج نطاق السيطرة انك تعرف تضغط على حد - 00:33:27
فدلوقتي لو رجع الامور ان فيه حد يتضغط عليه ان شاء الله يكون انا هيجبني يتكلم معي وكذا وكذا اقوم اقبل حل وسط يقول لي
طب ايه رأيك ما نجيب شخصية وطنية مستقلة رئيسة للوزارة. نجيب عبدالفتاح السيسي رئيسا للوزارة. نجيب ما اعرفش ايمن نور
رئيسا للوزارة - 00:33:48

البرادعي رئيسا للوزارة نجيب عمرو موسى رئيسا للوزارة نجيب ويقوم طب معلش طب وفي مقابل ايه وتسبب الحثة دي وعلشان
الناس تسكت وبلاش الدستورية والنائب العام كذا ومشكلة القضاة وتقع بقى ترتب لي الاوراق وهم مستعدين يعملوا كده -

ترتب لي الاوراق ويبقى الناس اللي في الميدان دول لذلك الذي يريد ان يكون رجلا لابد ان يكون رجلا حقيقيا. انه يبقى عارف انه بيمشي طريق مش هيتتم غرفه بملعقة - [00:34:28](#)

مش هيقول له شكر الله سعيكم مع السلامة. لأ القرار يومها للميدان. وانا بقول هذا الكلام علشان الناس تبقى عارفة انه لا يشتري صمودها بكلمات ممن يحبون يعني ثورة خمسة وعشرين يناير دي فيها دروس عظيمة. من ضمنها فعلا انه - [00:34:45](#)

قرار الجمعي للناس كان هو التصميم والا انا اشهد انا اشهد انا اشهد انه في خمسة وعشرين يناير لو ترك الامر للزعماء كلهم بما فيهم شباب الثورة بما فيهم الاتجاهات دي كلها - [00:35:05](#)

فيهم كل الناس اياها كان الموضوع انهم خلاص متنازلين كله كله كان متنازل لذلك بالعكس انا ما بقولش اعملوا طاعة واعملوا عمل صالح وربطوا واعملوا اللي انتم عابزينه. بس المهم انه تعلم ان الزعيم - [00:35:23](#)

سوف تمارس عليه ضغوط وسوف يقبلها وانت الذي عليك ان تصمم على القرار الذي تراه انما غير كده يرجع لك اقسام البلد نصين خلي الحتة دي تبع الجيش ودي تبع الشرطة ودي تبع حسني مبارك وطلعوا حسني مبارك - [00:35:48](#)

حسني مبارك محل اتفاق انه يخرج محل صفقة انه يخرج محل صفقة دلوقتي احمد نزييف في البيت صفوت الشريف في البيت فتحني شريف في البيت زكريا عزمي في البيت الناس دي كلها ولسه وما عرفش مين بقى - [00:36:07](#)

بطلت احفز ما اعرفش المغربي وزهير جرانة وما اعرفش بطلت هو مش فاضل غير اربعة حسني مبارك وعلاء وجمال مبارك وحبیب العادلي. وخلص المسألة اوشكت هي دي الصفقات واللي نازلين الثورة كلهم - [00:36:26](#)

ده فاهمين ده ده الانسان والله يذهب تحت النعال تحت النعال آآ اكرم له من انه يقبل هذا الكلام نازلين بشرط ان ما تتكلمش لحيبب العادلي وحش ولا حسني مبارك ولا النظام السابق ولا وانتم عارفين فلول ايه الفلول دول انا هفكركم - [00:36:46](#)

هفكركم من هم الفلول برضه عشان تبقوا عارفين علما علما بان موقفنا من الفلول والله يشهد الله انا نحبههم واننا نريدهم بل انا نسعى اليهم ونريد ان نحضنهم وان نعود نسيجا واحدا بس ويرجعوا ويبقى لهم حقوقهم الكاملة - [00:37:05](#)

حملة واحبابنا واحبابهم وكل شيه بس يرجعوا كنسيح للبلد مش يرجعوا آآ سلطة مرة ثانية. مش يرجعوا اسياد على الناس لأ يرجعوا زينا زيهم. لا احنا اعلى منهم ولا هم اعلى منا. انما ترجع الذين كانوا يستعبدون الناس. عارف الفلول مين؟ زي ما قلت لك في كل

قرية - [00:37:27](#)

من قرى مصر كان يبقى فيه خمستاشر عشرين واحد كده يتم شراؤهم رموز الحزب الوطني وكذا علشان هو بيمارس سلطة على الناس وبيعمل لهم خدمة في نفس الوقت يقوم الناس - [00:37:48](#)

تخاف منه وترجوه يقوم هو كمان مع اسياده نفس الحكاية شبكة موجودة والقضاة الذين زي القضية بتاعة وادي النطرون زابط شرطة وخلوه قاضي وعمه قعد وزير في وزير تزويري في حكومة - [00:38:00](#)

حسني مبارك ومع زابط شرطة عملوه قاضي واستدعى زباط شرطة وسمع وحكم بناء على شرطة في شرطة في شرطة في شرطة وطلع حكم بوثيقة بهذا المعنى احنا مش معقول اللي زور الانتخابات في في مسلا دايرة الدقي كان زابط شرطة وتحول الى قاضي -

[00:38:16](#)

الله! القضاة واحنا هنهز زباط شرطة ودخلوا القضاء بالعشرات ان لم يكن بالمئات لأ قصدي بالمئات ان لم يكن بالالاف مش ممكن ابداه انت عايزني ارجع النزام ده مرة اخرى. والراجل يقول لك ايه ونرجع المحكمة الدستورية بتشكيلها السابق بكاملها - [00:38:35](#)

تعود هي لتتولى الحكم ومعها المجلس الدفاع الوطني اللي هو فيه العسكري ومعها ناس منا احنا جبهة الانقاذ ده انت ده انت بتبيعي كبلد انا كنت فاكرك بتعارض الرئيس بتعارض الاخوان - [00:38:55](#)

انما ده انت طلعت ان انت بتاخذ البلد ترجعها لما هو لما كان قائم ما عنديش انا الهة ما فيش حاجة مقدسة انت رأيك ان ان العسكر حلوين وانا رأيي انهم وحشين فرأيك القضاء حلو وانا رأيي وحش انا رأيي انا حر - [00:39:10](#)

طلعت حرية شخصية وعايز اقول لحضراتكم اهو واحد اتنين ثلاثة اربعة خمسة. نمرة واحد المحكمة الدستورية العليا اللي ساكتين دول المحكمة الدستورية العليا دول قضاتها متنقيين بايد حسني مبارك واحد واحد. يعني هو مش قاصدة القرار بتشكيلها مرة واحدة بتشكيل - 00:39:26

المحكمة الدستورية العليا من فلان وفلان وفلان لأ ده كان عدد غير محدد يعين عشرة يعين خمسة واربعين يعين واحد وعشرين ينزلوا تمتاشر يزيدوا ستة وتلاتين هو بمزاجه وبيعينهم بالواحد يقول تعيين فلان فلاني - 00:39:45
قاضي في المحكمة بعد ست اشهر اه خد ده كمان يا ريس حلو. يروح معينه الى ان استكمل المحكمة الدستورية العليا جايز يكون فيهم اطهر خلق الله ما تتكلمش عن كده. انا بقول لك النزام تعيينهم - 00:40:05
طيب حد بقى تاني مش حسني مبارك سوزان مبارك اه ماشي خدي دي حلوة هتتعجبك تاخذ طب فلان مسألة المحكمة الدستورية متنقية بالواحد من النظام القديم كان الاكرم لهم ان يستقيلوا - 00:40:19

تيجي النهاردة تقول لي انا هخلي رئيس المحكمة الدستورية العليا اللي اللي مجتمع النهاردة علشان طعن احمد شفيق. بارجه لا والله انا كنت موافق ان انت وانت بتعارض مرسى والاخوان والراية والنور والاصالة وبتحارب الاسلاميين ومش عاجبينك. كنت موافق ان انت تعمل اللي انت عايزه. انما ترجع لي - 00:40:35

تاني النزام اللي متنقي بالمقاط بالماشا واحد واحد ببجييوهم عشان يقعدوهم على على منصة محكمة فلأ انا لا اثق في هذا. اي نعم لانه نظام معيب وعايز ترجع لي عبدالمجيد محمود النائب العام الذي فعل وفعل وفعل ويوم يكون هناك محاكمة حقيقية تظهر جرائم نيابة امن الدولة - 00:40:54

عليا اللي كان بيرأسها ثم النيابة العامة التي كان يرأسها. وانا واحد من الذين يمكنهم ان يثبتوا مثل هذه الجرائم لاني اعلم اعلم ومحامين كتير يعلمون الجرائم عايزه ترجعي الدستورية وترجعي النائب العام وتقولي للقضاء وترجعي لي الزباط اللي عاينتهم في القضاء وتعيان لابناء كزا وتقول لي لأ المسألة لأ لأ مش زي الفل. لأ متأسف - 00:41:19
عندي كرامة انا مصري رجل محترم عندي كرامة لا اقبل انت عارض الاسلاميين زي ما انت عايز يا ريتك عملت كده. انما ده انت جاي تضحك علي بيع وشرا انت مقاول - 00:41:44

من الباطن الكلام ده الذي افزعني وجعلني اضطر لان اتكلم بعد ان كنت صامتا ادي الدستورية العليا. نمرة اتنين الجيش على عيني وراسي الجيش المحترم اللي مش عارف ايه اللي لكن شوفوا يا اخواني ثقافة اهو عشان بس ما اللي عايز يتعامل بجهل يتعامل انما مبدأ اهو - 00:41:57

لا يوجد مرة ثانية لا يوجد مرة عاشرة لا يوجد في التاريخ حكم عسكري واحد الا وكان ويلات ويلات مذلة واللي مش حافظ والله انا متهياً لي هاضطر انطق هذه الاسماء اسألوا الممثلات السينما - 00:42:20
اللي في الخمسينيات والستينيات معروف ان دي استأجرت للدعارة ودي كلفت بالدعارة ودي صورت لها افلام دعارة. ودي اضطرت تسبب مصر وتروح انجلترا ودي تسبب مصر تروح امريكا ودي اضطرت انهم ياخذوها غصب عن جوزها بمشهد من زوجها وهو موافق لاهدار عرضها - 00:42:44

اسمعوا هذا الكلام المكتوب في الكتب كله. اسألوا صفوت الشريف الذي كان مسئولاً عن هذا الجهاز في المخابرات العامة. اسألوا صلاح نصر اسألوا التي كتبت اسألوا الممثلات ومنهم لسه عايش - 00:43:08

انا ما بقولش ان الجيش دلوقتي كده لأ الجيش على عيني وراسي وحلو وجميل وعظيم وما حصلش وطني وشامخ وكل يعني كل شف انا مستعد اكلمك زي بتوع التليفزيون انما كمان انا ليس من حقه ان جهة ما تتحول الى سلطة فوق الناس. لا يا فندم انت - 00:43:23

كويس قوي في دورك الدستوري انما تيجي تبقى سلطة انا انت دورك انا عيان جبت دكتور يبجي كشف منزلي دخل كشف عليها واداني الدواء. شكرا. انما يدخل ويقول لي خلاص انا اللي امسك البيت - 00:43:43

لأنت شغلتك تيجي تكشف علي وتأخذ اجرة وتمشي أنت برضو زابط شغلتك تدافع عن البلد وتأخذ مرتب وخلص أنت شغلتك محامي مش هتروح بعمل لك توكيل في استلام الشقة - [00:43:58](#)

بعد ما كسبت الحكم ما بتأخدهاش عشان تحط لها كالون وتمسكها أنت أنت بتسلم مش بتستلم الشقة عشان تسلمها لي. فمرحبا بقواتنا المسلحة العظيمة المجيدة الهائلة اللي ما حصلتش في دورها الدستوري. انما - [00:44:13](#)

ما تبقى موجودة عشان تمارس دور اكثر من كده تكون هذه عريضة لانها خرق للدستور ما فيش كلام بهزا ولزلك أنت أنت هتهزر ناس مش مستحلمين محمد مرسي سنة يستحلمناهم ستين سنة - [00:44:28](#)

ستين سنة حكم مستند الى المؤسسة العسكرية ستين سنة ستين سنة اقوم بعد سنة امشين محمد مرسي عشان ارجع اللي قعدت معهم ستين سنة بالشكل ده ده شيه لا مش معقول مش ممكن دي ده مش معارضة أنت عارف لو شف للمرة العاشرة لو دي معارضة بين الوفد والتجمع وشباب - [00:44:44](#)

والتيار الشعبي والجبهة الانقاذ والمؤتمر آآ الدستور والاحزاب دي وبين الاحزاب ولا الجهات الاسلامية والله انا اقول ايوة هو كده انما تدخلني تستدعي الطرف القديم عشان تبيعني له وتقول لي ما حدش يهتف ضد الفلول واضغط على التلفزيونات. وكل مقدمي البرامج الثوريين تقول لي ما حدش يهتف ضد - [00:45:10](#)

ضد الفلول ولا ضد الجيش ولا ضد الشرطة ولا ضد الممارسات الغلط ولا ضد امن الدولة ولا ضد يا سلام يا سلام ويكتب عبدالله افندي كمال يكتب آآ مرحبا بك يا مبارك عائد عود حميد يا مبارك - [00:45:37](#)

لأ ده ما بقاش فيه كرامة عندنا ده المسألة مختلفة تماما ستين سنة عسكر ستين سنة انا مش بقول لك اسأل اسلاميين ما هو اصل احنا لما بنقول لهم اسألو زينب الغزالي عليها رحمة الله ورضوانه - [00:45:53](#)

تقول لك لا لا دي كانت بتكذب الراجل اللي اسمه ايه الانسان الذي الذي ان شاء الله يكتبه الله سبحانه وتعالى لانه ساهم في القتل بيده يقول لك لأ ده لأ سيبك في الاسلاميين خالص مش الاخوان والاسلاميين والسلفيين والوحشين بيدعوا على دول اسأل ممثلات سينما اقول - [00:46:09](#)

اسماؤهم مش قادر والله لا قادر انطق اسمائهم لان الامر يتعلق باعراض بس معروف كل الناس عارفة وبعضهم عملت مزكراتها وكتبت وقالت هطلع آآ اسمها ايه؟ جزء ثاني من المذكرات - [00:46:32](#)

ولما عملت كده قالت كده من حوالي مسلا عشرة ولا اتناشر سنة وما طلعتش ودلوقتي طلعت احتاجت فلوس يمكن الله اعلم فعشان الناس يقولوا لها ما تطلعيش منشورة واسمها معروف - [00:46:50](#)

اسمها معروف واللي راح واللي راح امريكا راحت امريكا آآ اتنين على الاقل مشهورين يعني مش عارف ايه بس فقل لانه طلب واحدة منها قالت اضطررت للوقوع واحدة تالته قالت اضطررت للوقوع مرة في هذا - [00:47:03](#)

غصب عني وعن جوزي فمشيت خالص واحدة كانت كزا واللي كانت يعني مش عارف اقول ايه مش قادر لان المسألة يعني آآ تتعلق بالاعراض فمش قادر اقول عنها. فيه حاجة كمان - [00:47:23](#)

احنا الجيش والشرطة دول مش دول اخواتنا يعني مش دول قرابي يعني مش دول مش دول حبابي مش دول اللي لو لقيت حد بيعمل له حاجة احتضنه عشان ما ينتعش له - [00:47:42](#)

حرام علينا ان احنا نسبب لهم محنة. يعني بتاع الشرطة ده لو قال انا هتصدى. هو انت فاكر ان انا زعلان منه ان هو بيقول انا مش مش هتصدى ما هو لو انا هتصدى ما انتم اللي بتضربوه في الشوارع. تقتلوه - [00:47:56](#)

وبتحرقوه وبتحرقوا كزا وزال طب مش هتصدى هيطلع يقول لك شايف الشرطة فرطت في يعني لو تصدى وحش ولو ما تصدش وحش تعمل له المحنة دي بهذه الصورة ما تخليك انا انا مش - [00:48:09](#)

مانع المبدأ الجيش نفس الحكاية الجيش بيقول لك انا عايز اسيب الحياة السياسية. سيبوني بعيد ما تقربش مني تقرب منه انت ولذلك انا يعني في الحقيقة لا اريد ان تكون هذه الاحداث نهاية للثوابت - [00:48:22](#)

لانه اصله كل يوم هيعدي هتلاقي الناس زي ما كانوا اخوانا هنا لما جيت لقيتهم داعيين داعية وممثل داعية وممثل والداعية والممثل
طلعوا اتنين اخوات شقيقتين كانوا قاعدين هنا في في في يعني من ساعة او شيه من هذا القبيل - [00:48:39](#)

اخوات مع بعض فشيء طبيعي ان ده في الشرطة ايضا وفي القضاء ايضا وفي الجيش ايضا مع الوقت كل يوم هيعدي ستجد ولاءات
وانتماءات الناس تتوزع بدل ما هي واحدة - [00:49:01](#)

واحد بقى هيقولك لأ ده الاسلام والتاني يقولك لأ ده الوطنية وده كزا يعني احفظوا احفظوا ما بقي من من هذا الشعب من امن مصر
من امن الجيش من امن الشرطة لا تمزقوهم - [00:49:13](#)

بهذه الصورة ايها الاخوة احنا مش هنقدر ابدنا ان احنا نضع اللي كانوا بيزعموا انهم معارضة ودلوقتي بقو بيحولو المعارضة الى بعنا
للنظام القديم ان هو يرجعه مرة تانية مش هنقدر نقبلهم كده - [00:49:29](#)

مش ممكن نقدر نقبلهم بما فيهم الزعماء وعلى فكرة ما تصدقوش ان في حاجة اسمها جبهة الانقاذ وجبهة لأ لأ ده انت لو لاحظت
هتلاقيه غير اسمه خمس ست مرات - [00:49:53](#)

سبع مرات في سنة واحدة تقريبا في سنة واحدة فقط غير اسمه على الاقل ست مرات ليه علشان يعمل وعاء مختلف يعرف يدخل
فيه ناس جداد هو بيضحك عليك فاول حاجة عملوها انا طبعا مش فاكر بالزبط انما انتم ممكن تراجعوا قال انا هعمل حاجة اسمها
التيار - [00:50:05](#)

التالت التيار الثالث المنفصل المستقل الذي ليس آآ فلول ليس فلول وليس اسلاميين. التيار الثالث شعب مصر وبعدين شوية ناس
بسطة اتلموا ناس وبعدين قالوا لأ بس كده بقى مش هنعرف ندخل الفلول - [00:50:28](#)

فراحوا عاملين حاجة اسمها التيار الشعبي وعملوا جبهة الانقاذ عشان التيار الشعبي يمشي مع اليساريين والناصريين ودول الكتب
بتاعتهم انه احرق وبعدين نتكلم. دي ده دي ابجدياته انه اضرب واحرق وكسر واقتل وبعدين نتكلم - [00:50:51](#)

ده ده زي ما بيقول الكتاب زي ما بيقولوا. يعني هو ده التعليم فعمل التيار الشعبي وعمل جنبه جبهة الانقاذ عشان يدخل ناس
يوسع شوية يقوم يدخلوا الناس القدام. وبعدين راح عامل حاجة اللي هي تيار الاستقلال - [00:51:13](#)

وبعدين بعد ما عمل تيار الاستقلال ده اللي هم حزب وطني او معارضة كانت من الذين يطبلون لغاية الثورة ورافضين سقوط حسني
مبارك فاصبح عندك التيار الثالث التيار الشعبي وجبهة الانقاذ وبعدين في الاخر راح قايل ايه بقى تمرد. حركة تمرد وبدأ يجيب طبعا
غير - [00:51:32](#)

الجمعية الوطنية للتغيير غير يعني قاعد يعمل اوعية بحيس كل شوية في الاخر لحد ما دخل مين بقى دلوقتي اسمع كده امبارح
واول امبارح واول اول مقاتلين من اجل مصر زباط جيش سابقين نازلين شتم في كل ما هو اي حاجة من اللي - [00:51:55](#)

بتاعة المتطرفين والارهابيين والاسلامييين الوحشين شرطة من اجل مش عارف ايه وراحوا نوادي الشرطة ولاول مرة ما بقاش وزير
الداخلية بقى لأ ده يقول لك مش هنطبع الاوامر وده جهاز من ضبط طب - [00:52:15](#)

اذا كان اللي ما بيطبعش الاوامر في الانضباط العسكري بتوع الزباط الملتحين عملوا معهم اللي عملوه. طب دول يقول لك مش
هنطبع الاوامر احنا اللي هنحدد ادخل مقاتلين من اجل مصر والشرطة دول نوادي الشرطة وراح مدخل معهم الفلول ودخل
الناصريين ودخل وقال لك بقى خلاص - [00:52:29](#)

تزعل من العسكر ولا تزعل من الشرطة ولا تزعل من الحزب الوطني ولا تزعل من الفلول ولما تلاقي قدامك رموز الحزب الوطني
متزعلش وبدأت القنوات الثورية البرامج الثورية يدعو قيادات الحزب الوطني القديم. لأ ما تبغيش انا مش ما انت من اول ما الباطن
انت بتبغيني بيعة وشروة انا كنت فاكرك معارضة - [00:52:50](#)

كنت فاكرك معارضة وكنت وانا الاعتبارات اللي فيا مكفياني كما يقال اللي فيها مكفياني وما اراه كفاية ما اراه كفاية لكن توصل في
الاخر ان انت عايز تشتري ابني وابن اخويا - [00:53:10](#)

وقريبي وتضيع هذا الكلام كله ولزلك اللي انا بقولكو الناس ينزل يحرس بيته ومحله واللجان الشعبية ترجع زي خمسة وعشرين يناير

مرة ثانية عشان اللي عايز يحرق ويضرب ويعمل وزى ما بقول لكم الكتب بتاعتهم يا ريت والله - [00:53:29](#)

اقرا اسنتى يا ريت تقرأ الكتاب الكتاب جايب لي احد الاخوة الكود بس مش هنلحق الكلام ده ان هو بيقول لك ازاي التفسير بين البلطجية وبين اعضاء المركسيين والاشتراكيين واليساريين وغيرهم بين اللي مأجرينهم الاقسام وبين زباط مباحس الشرطة المباحس الجنائية وبين عشان يعمل - [00:53:47](#)

اوليفة الكلام تقرأه تجده نفس اللي كان مكتوب في الادبيات المركزية والاشتراكية في الشرق وفي الغرب. هو نظامه كده. ان مش انت تصلح لآ أنت ثوري انت بلاش اقول لك بقى راديكالي وبلاش اقول لك اي حاجة من الالفاظ اياها انما خليني اكلمك اللي يقول لك انت الاول احرق واضرب - [00:54:11](#)

كسر واعمل واعمل حالة هي دي اللي تثبت منها ثورة الحقد التي تجعل المجتمع يسفر عن شيء جديد. وطبعا بتاعة امريكا شغالة بهذا والناس ما اسكنا هم هم اللي سمحوا لهم بمثل هذا. وكنا نتصور ان هي معارضة ولزلك انا باقول لك اللي هينزل - [00:54:31](#) ينزل وهو مش ناوي يترك القيادة في ايد الغرف المغلقة وانما يعني حاجة ما تخلصش لو لو هتعمله يبقى شيء ما تخلصش انما تقعد تفرض علي وتضغط علي وتقول لي لآ شفتم انتم اللي حصل بشأن البنزين - [00:54:51](#)

البنزين انا بس مش عايز اقول بعض الحاجات متعلقة بالشرطة وزباط الشرطة بهذا الشأن انما انتم شفتم العربية اللي يبقى فيها تنك مش عارف تلتيمت ولا خمسميت لتر تترك تانك تهني تلتيمت وخمسميت لتر وتروح تجيب الليترات دي وتروح تفرغها - [00:55:14](#) في الصحراء نزلت على الفيديوهات وترجع تملى تاني وتروح ومش مشكلة هيدفعوا ايه يا مليار يعني؟ مليار جنيه يدفعوا لها مليار دولار يدفعوها عشان يشتروا بنزين الدولة ويرموها في الصحرا عشان الشوارع تقف يعملوا كده - [00:55:30](#) وهما دول ان شاء الله اللي بيعملوا كده في البلد دول لما يبقوا هم دول اللي هم دول اللي هيبقوا اولياء على البلد لذلك انا بقول لحضراتكم يعني يعني فعلا اتقوا الله سبحانه وتعالى في اللي هيبذلوا انفسهم وينزلوا ارواحهم وينزلوا لان دول ما يتباعوش -

[00:55:46](#)

بعد كده بقرار تحده الغرف المغلقة ابدأ ابدأ. والميدان يكون هو اللي مصمم وهو اللي مش هيروح. ميدان تحرير في خمسة وعشرين يناير لما قال مش هنمشي اصبحوا اصبح ميدان للكرامة - [00:56:06](#)

لما قال مش هنمشي ميدان التحرير في خمسة وعشرين يناير لما كان حد بيطلع ويقول كلام ضد هذا القرار كانوا يقولوا له انزل ولم يعرف من انما من يريد ان يخون للمرة العاشرة وقد خان مرة واثنين وثلاثة واربعة مش خان يعني خان خان - [00:56:26](#) انا الناس الذين سلموا انفسهم هذا الكلام يجب ان نكون عارفين تماما ان احنا الان بنقرر ايه اذا احببتم ان تفعلوا هذا وانا بقول لك الكلام ده وانا الحقيقة يعني في في منتهى الوضوح آآ بشأنه. ابيها الاخوة انا لا اريد - [00:56:47](#)

ان يعني ان اكون متجاوزا او مبالغنا انما بصفة عامة فعلا انا كنت قد فضلت وكنت افضل الصمت الكامل. وطبعا انا لم اقل شيئا برضوا لكن كنت افضل الصمت الكامل - [00:57:09](#)

انما ازا ما خرج الامر عن انه اه معارض يعني يعني صراع سياسي او او كلام سياسي الى انه مؤامرة لاسترداد البلد مرة اخرى ونصبح بكرة نلاقي نفسنا امام اه اه منصة - [00:57:30](#)

عليها حسني مبارك واحمد نظيف واحمد شفيق وكمال الشاذلي الله يرحمه بقى مات وصفوت الشريف وفتحي سرور وحبيب العادلي وآآ هكذا وتعود مرة اخرى الى الشعب. مرة اخرى طب والله آآ مرسى احنا مش لاقيين بنزين عشان الناس بيدلقوا البنزين مش -

[00:57:53](#)

عشان الدولة مش بتعمل بنزين الكهربي بتقطع عشان في احوال انما ترجع لي الناس اللي كان يا اخي كفاية ان انا ما ترجعليش الناس اللي كانوا بيستخدموا الكهربي دي في كهربة ابني - [00:58:13](#)

في كهربة ابني حتتي في كهربة الدكان بيكهربوهم في الاقسام وعشان ايه؟ ويهين كرامته ويمسك مواضعه التناسلية والجنسية ويصوره عشان يعرضها على الناس وهذا يحدث لواحد مهندس معه ماجستير في كلية الهندسة لمجرد انه راجع بالليل على مزلقان

القطر آآ في امين شرطة ما عجبوش - [00:58:27](#)

طريقته في الكلام وهو بيكلمه كده معك بطاقة؟ اه معي فيبقى خلاص ما وريتك البطاقة. ايه خلاص وريتك البطاقة دي وينشر هذا الكلام ويضطر يعني اقول لك ايه بس لسنا مستعدين لهذا ايها الاخوة ابدأ. ولذلك ارجو - [00:58:52](#)

ان يعني الا ان يعلم كل انسان. انا ما حطش نفسي خادم لاني صادق ما احطش نفسي خادم للخطة الامريكية ولخطة الفلول ابدأ. والحمد لله دلوقتي غير قبل كده. دلوقتي عرفناهم خلاص. عرفناهم بالواحد - [00:59:09](#)

وعندنا معلومات عنهم وعرفنا اماكنهم وعرفنا كل شيه والبلطجية اللي ينزلوا من الان يا اخواني. النهاردة في المنصورة يقول لك طالعين من الجامع طلوعوا لهم لاس عارف طلوعوا لهم ناس ليه وضربوهم ليه؟ لان ما فيش لجان شعبية في - [00:59:24](#)

شوارع لو لو الشوارع فيها لجان شعبية العيال دي كان يمكن فوراً بتنتهي المسألة. وربنا يستر ان ما يكونش ولزلك احنا نحرس بيوتنا في كل مكان وويل للغرباء عن حطة او عن منطقة ان يدخلوا اليها بدون ان يكون ذلك واضحا - [00:59:42](#)

والله معكم. انا من سنة بالزبط في شهر يوليه اجري معي حديس صحفي فقلت فيه للصحفي قلت له دي صحيفة من الصحف اليومية الشهيرة المتداولة قلت له في غالبا المسألة لن تنتهي الا بصدام كبير. الكلام ده كان في شهر يوليو اذن الماضي - [01:00:06](#)

واخذت الصحيفة هذا الكلام ووضعت كعنوان للحديث الصحفي وضعته كعنوان للحديث الصحفي على انه يعني كده لكنها انتم ترون. ولزلك يعني انا عايز اقول اخر حاجة اقولها لاخواني الجماعة اللي هم بتنوع المعارضين اقول لهم يا ليتكم حافظتم على شرفكم

وكرامتكم - [01:00:27](#)

وبقيتم معارضين سياسيين لفصيل سياسي ولكنكم حولتم الامر لان تجعلوا انفسكم ادوات لاجهاض الثورة واعادتها يقول لك ما فيش حاجة اسمها فلول فلول ده اخويا ومعني وجنبي وكده فحولتم هذا فاخرجتم - [01:00:52](#)

وخلته ما فيش واحد في مصر نضيف واحد نضيف يقدر يعني لم يبقى واحد نضيف شف بس مش هقول لك طاهر قلب ولا واحد نضيف. يقدر ان هو يسكت بعد ان رأى اننا نباع وكم من ثورة الا وردت الى الجهة التي - [01:01:15](#)

اه اه قامت عليها الحقيقة انا يعني ساعود اليوم الى بيتي حزينا انني تكلمت رغم اني لم اقصد الا صالح العمل فاسأل الله ان يكون يعني ان يزيل الله المي - [01:01:38](#)

وان يزيل الله اثر انني تكلمت لكني وجدت نفسي لا استطيع حتى ان اسكت. يعني كل ده خلوا الواحد لم يعد هناك متسع الى غير ذلك. واسأل الله عز وجل ان ينفذ قدره بما ينصر دينه - [01:01:57](#)

وبما ينصر عقيدته وشريعته وان يمكن لها وان نجد رجالا رجالا لا يقدمون ساعة ويتراوحنها في حالة خور. لو الخصم قال لك خلاص افرض يوم تسعة وعشرين بالليل خصم قال خلاص لغينا ثلاثين يروحوا - [01:02:14](#)

ناس تانيين راجعين ايه الهبل ده! ايه الهبل ده الله يجعل التمكين في ايديكم يعني لحسم المسائل ليقوم الدستور صادق صالح قائم صحيح. ويبقى انت الرخيص سيظل رخيصا طوال حياته. نثبت ونصمد ونسأل الله - [01:02:32](#)

توفيق وجزاكم الله خيرا والسلام عليكم ورحمة الله وبركاته. واحرسوا البيوت. احرسوا البيوت والمحلات والشوارع ولا تسمحوا للغرباء ان يجوزوا خلال الديار وخلوها لجان شعبية اربعة وعشرين ساعة زي خمسة وعشرين يناير بالزبط - [01:02:53](#)

بالليل وبالنهار لانه هو دي الخطة انهم ما يستهدفوش حاجات سياسية يستهدفوا اماكن خاصة علشان لما يقعد الكلام ده اسبوع عشر تيام بيوت بتتحرق محلات بتتحرق يقوموا يقولوا نزلوا الجيش - [01:03:13](#)

طيب ماشي انتم مش مهتمين بنزلوا الجيش بس مهتمين بان ما بقاش بيتي انا هو الوقود اللي حرقته عشان كده ولا محلي. فنحرس اماكنا والله معكم والسلام عليكم ورحمة الله وبركاته - [01:03:30](#)